



CANLLAW BUDDIOL I OEDOLION

CODI TOCYNNAU

- Bydd HOOF! ar fynd y tu allan i Ganolfan Gelfyddydau'r Memo ddydd Sadwrn 22 a dydd Sul 23 Mai 2021 am 11am, 1:30pm & 3:30pm ar y ddau ddiwrnod.
- Gallwch godi'ch tocynnau ar lein yn www.memoartscentre.co.uk bedair awr ar hugain y dydd
- Bydd gofyn i chi godi tocyn Grŵp Teulu, fel y gallwch fod gyda'ch gilydd yn deulu yn ystod y sioe. Rhaid i bob Grŵp Teulu beidio â bod yn fwy na chwech o bobl. Rhaid i bawb yn y grŵp fod o'r un aelwyd neu aelwyd estynedig. I gydymffurfio â rheoliadau cadw pellter cymdeithasol, rhaid i chi beidio â chodi tocynnau i neb o'r tu allan i'ch aelwyd neu'ch aelwyd estynedig.
- Mae croeso i chi ddod i HOOF! ar yr un pryd â'ch ffrindiau a'ch teulu o aelwydydd eraill, ond cofiwch fod rhaid i chi godi tocynnau ar wahân a chadw pellter cymdeithasol dau fedr yn wastad yn ystod y perfformiad.
- Rhaid i grwpiau gynnwys o leiaf dau o bobl. Rhaid i grwpiau i gyd gynnwys o leiaf un plentyn.
- Bydd pob tocyn yn costio £5 yr un. Rhaid i bob aelod o'r grŵp, yn cynnwys babis, fod â thocyn, ond bydd plant dan flwydd oed yn rhad ac am ddim.

DOD I'R MEMO

Yn y Barri mae Canolfan Gelfyddydau'r Memo, yn ymyl Datblygiad y Glannau a Heol Holton.

Mae gennym ein maes parcio'n hunain ar y safle, a chilfachau parcio penodol i bobl anabl. Mae yna lefydd parcio ar y stryd hefyd, o gwmpas yr oedfan ar Heol Gladstone a Rhodfa Sant Pawl. Mae'n hawdd dod atom ar y trê'n a'r bws. Y Barri (0.7 milltir) a Dociau'r Barri (0.6 milltir) ydi'r gorsafodded trenau nesaf, ill dwy'n waith cerdded deng munud oddi yma. Mae'r llwybrau bysus o Gaerdydd a'r cyffiniau'n aml. Mae yna arhosfan bysus o fewn 30 medr i'r oedfan (llwybrau bysus o Gaerdydd 93, 94B, 96 a 98). Mae yna arhosfan bysus arall funud neu ddau oddi yma yn Swyddfeydd Dinesig y Barri a gwasanaethau bysus dros ben (llwybrau bysus o Gaerdydd 93, 94, 94B, 95, 96, 96A, 97, 98 a 100)

Gewch chi gyfarwyddiadau manylach i'r oedfan yma: <https://www.memoartscentre.co.uk/find-us/>

CYN Y SIOE

Cofiwch gyrraedd y Memo dim cynt na chwarter awr cyn dechrau'r sioe. Pan gyrhaeddwch chi mae gofyn i chi gofrestru gyda'n staff gwirfoddol yn y Memo ym mynedfa'r Senotaff yn y Memo. Pan

gyrhaeddwch chi rown ni arweiniad i chi ynghylch lle i sefyll, dangos y man diheintio dwylo i chi a lle mae'r tai bach. Byddwch yn cael mynd ag unrhyw gadeiriau gwthio a/neu unrhyw bethau personol i'ch canlyn. Cofiwch mai ar eich sefyll yn yr awyr agored y byddwch chi a gwisgo'n gynnes at hynny gan na fydd dim gwres i'r gynulleidfa na gorchudd uwchben.

CYFLEUSTERAU

Mae yna nifer fechan o dai bach, gan gynnwys cyfleusterau newid clytiau, yng Nghyntedd y Senotaff ar gael i gynulleidfaeodd eu defnyddio. Fodd bynnag, rydym yn cymell cynulleidfaeodd i fynd i'r tŷ bach cyn gadael cartref yn gymorth i ni gyfyngu ar y nifer o bobl yn defnyddio'r cyfleusterau ar y safle. Cofiwch mai dan do mewn man cyhoeddus y mae'r rhain felly bydd gofyn i oedolion i gyd (ar wahân i'r rheini sy'n eithredig) wisgo gorchudd wyneb yn ôl rheoliadau Llywodraeth Cymru.

YN YSTOD Y SIOE

Bydd yr hwyl ar ei hyd yn para ugain munud.

Yn yr awyr agored y bydd y perfformiad ar fynd. Bydd y tu allan i'r Memo, o flaen cofeb y Senotaff gyferbyn â mynedfa'r Senotaff.

Pan gyrhaeddwch chi rhoddir chi a'ch teulu mewn man aros wedyn rhoddir man sefyll wedi'i farcio i chi, lle'r arhoswch chi drwy gydol y perfformiad. Bydd y manau hyn bob amser wedi'u gosod o leiaf dau fedr ar wahân i unrhyw aelodau eraill o'r gynulleidfa a'r perfformwyr.

Gofynnir i'r gynulleidfa sefyll drwy gydol y perfformiad (ugain munud ar ei hyd). Does yna ddim manau eistedd, fodd bynnag os oes gennych chi neu os oes gan rywun o'ch aelwyd ofynion mynediad, e-bostiwch boxoffice@memoartscentre.co.uk ac fe wnawn ein gorau i ymorol am unrhyw ofynion penodol.

Cyflwynir y perfformiad yma ar ffurf hamddenol, ond fe fydd yn cynnwys goleuadau llwyfan, cerddoriaeth ac effeithiau sain, er na fydd yna ddim cleciau uchel na goleuadau strôb. Rydym yn wirioneddol awyddus i'ch annog chi a'ch teulu i ymateb ym mha fodd fyw fynnoch chi ac os bydd rhywun o'ch teulu, am ba reswm bynnag, yn anniddigo neu'n cynhyrfu a chithau am ymbellhau o'r man perfformio, mae croeso i chi fynd yn ôl i du blaen y Memo a dod yn eich ôl pryd bynnag y byddwch chi a nhw'n barod.

Dim ond ychydig iawn o'r iaith lafar fydd yn y sioe yma sy'n hynod o weledol. Rhoddir dalen i aelodau o'r gynulleidfa sy'n fyddar neu'n drwm eu clyw i egluro'r pytiau sain yma.

AR ÔL Y SIOE

Ar ddiwedd eich profiad HOOFF! gofynnir i chi symud o'r man perfformio a gadael y safle.

Byddem wrth ein boddau o'ch gweld yn rhoi i ni eich ymateb didwyll i'ch profiad drwy rannu eich sylwadau ar y cyfryngau cymdeithasol gan ddefnyddio'r hashnod #HOOFF a gallwch ein tagio ni a'r

Memo ar Twitter neu Instagram gan ddefnyddio @Theatrlolo / @BarryMemo neu ar Facebook.com/Theatrlolo / Facebook.com/BarryMemo.

Byddai hefyd yn wych pe gallech chi lenwi arolwg byr iawn wedi'r sioe gaiff ei e-bostio atoch chi ar ôl y perfformiad. Bydd yr arolwg hefyd ar gael ar ein gwefan a'n sianeli cyfryngau cymdeithasol.

Ymunwch â'n Rhestr Bost i gael gwybod am ddigwyddiadau a sioeau i ddod gan Theatr Lolo drwy ymuno ar ein gwefan neu drwy e-bostio hello@theatriolo.com.

CWESTIYNAU MYNYCH

At ba oed mae'r sioe yma'n addas?

Mae'r sioe wedi'i thargedu at **blant pedair oed a throsodd** ond mae'n addas i'r teulu i gyd!

Be sy'n digwydd ar dywydd mawr?

Os bydd hi'n tresio bwrw neu'n dywydd mawr a dim modd i'r perfformiad sydd yn yr arfaeth fynd yn ei flaen, rhown wybod i chi cyn gynted ag y bo modd. Yn y man cyntaf cynigir perfformiad arall i chi yn y rhediad y gallwch symud eich tocynnau iddo, ond os na fydd hyn yn gyfleus cynigir ad-daliad llawn i chi.

Mewn ymateb i Gyfyngiadau Pandemig Covid 19

- Byddwn yn cadw at ganllawiau cadw pellter cymdeithasol a bydd pob grŵp teulu o leiaf dau fedr o bellter oddi wrth unrhyw grwpiau eraill a'r perfformiwr. Bydd y staff i gyd hefyd yn cadw at ganllawiau cadw pellter cymdeithasol a bydd ein staff wrth law i atgoffa pawb sydd yna o'r canllawiau dau fedr, fel y gallwch hamddena a chael blas ar y profiad.
- Dim ond i'r oedolion a'r plant yn eich aelwyd eich hun neu'ch aelwyd estynedig y bydd tocynnau pob grŵp teulu.
- Ni fydd mwy na chyfanrif o 30 o bobl yn y gynulleidfa, i roi digon o le i chi i gyd a mannau gwyllo da.
- Bydd gofyn i chi godi tocynnau ar lein ar www.memoartscentre.co.uk a rhoi eich manylion cysylltu. At ddibenion Monitro ac Olrhain y bydd hyn ond hefyd i roi gwybod i chi os bydd unrhyw newidiadau ar y funud olaf oherwydd y tywydd.
- Mae croeso i chi wisgo gorchudd wyneb, ac rydym yn cymhell hyn, os gallwch wneud hynny. Fodd bynnag, nid argymhellir gorchuddion wyneb i blant dan dair oed am resymau iechyd a diogelwch.
- Bydd hylif diheintio dwylo ar y safle ac ar gael i bawb ei ddefnyddio. Bydd yna hefyd ddŵr cynnes a sebon ar gael yn y tai bach i olchi dwylo.
- Cofiwch beidio â dod i'r digwyddiad os atebwch yn gadarnhaol i unrhyw un o'r cwestiynau isod...

- Oes gennych chi, neu rywun ym mharti eich archeb, unrhyw symptomau peswch, twymyn neu wres mawr neu oerfel, gwynt byr neu anawsterau anadlu, colli eich teimlad oglau neu flas neu newid ynddynt?
- Ydych chi neu rywun o'ch parti wedi'ch diagnosio â phrawf positif, neu a amheir, haint COVID-19 yn y deg diwrnod aeth heibio?
- Fuoch chi mewn cysylltiad agos â rhywun sy'n achos COVID-19 positif, neu a amheuir, yn y deg diwrnod aeth heibio? (diffiniad cysylltiad agos ydi llai na dau fedr am fwy na chwarter awr y diwrnod)
- Ydych chi neu rywun arall o'ch parti wedi'ch cynghori i hunanynysu ar yr adeg yma?
- Ydych chi neu rywun arall o'ch parti wedi'ch cynghori i warchod ar yr adeg yma?
- Ydych chi neu rywun arall o'ch parti yn disgwyl canlyniadau prawf COVID-19 ar hyn o bryd?
- Ydych chi neu rywun arall o'ch parti yn y categori a ddiffinnir yn risg uwch o ran COVID-19?
- Ydi aelod / aelodau o'ch aelwyd chi neu aelwyd rhywun arall o'ch parti yn y categori a ddiffinnir yn risg uwch o ran COVID-19?
- Os ateboch chi unrhyw un o'r cwestiynau uchod yn gadarnhaol, cofiwch roi gwybod i ni drwy e-bostio boxoffice@memoartscentre.co.uk o leiaf pedair awr ar hugain cyn y perfformiad a rhown ad-daliad llawn i chi a cheisio ailwerthu eich tocynnau. Gwaetha'r modd, ni allwn gynnig ad-daliadau o fewn pedair awr ar hugain i'r perfformiad.

Mae gen i ragor o gwestiynau...

Os oes gennych ragor o gwestiynau, cofiwch anfon e-bost atom neu roi caniad i ni a byddwn yn falch o'ch helpu.

Canolfan Gelfyddydau'r Memo, Y Barri
boxoffice@memoartscentre.co.uk \ 01446 738622

Theatr Iolo
hello@theatriolo.com \ 029 2061 3782